

Baibél Fuain Dólla

Házir óiye



Nuú edde
Dhoóñr Tuán



Lekoya: Edward Hughes

Nokcá tulóiya: Byron Unger; Lazarus
Alastair Paterson

Borabor goróya: M. Maillot; Tammy S.

Torjuma goroya: John Anwar

Neelaiyé de óilde: Bible for Children
www.M1914.org

©2022 Bible for Children, Inc.


Laisen: Tuáñttú e kaháni yían neelai bólla yátou copí gorí bólla
hók asé, zetún fóiijjonto tuñí yían óre nóo beso.



Nuú uggwá Allar ebaadot
goróya accíl. Ar oinno
manúic beggún Alla re no
manítou. Ek din, Alla ye
hoódde, "Manúic beggún hóraf
óigiyói, Añí e hóraf duniyai

yián dónco gorí
félaiyum."

Alla ye Nuú re
hoódde, "Siríf tor
górthiya
básibou de."



Alla ye Nuú re úñciyari diyé de ki, dhoóñr
tuán aái yóre duniyai dhufái feláibou. Alla
ye Nuú re hókum goijjil, "Ekkán gas or
kicthi bana, yían ot tor góorthiya edde
becí januwar ókkol añçé fan." Alla
ye Nuú re hondilla-hondilla gorá
foríbou de cíkai
diyé. Toi Nuú
duadit laiggé!



Nuú ye zettót te
kicthi kiyólla banar
de buzái deer,
hétunot manúic
ókkole
técerar.

Nuú zendilla
kicthi banat
accíl, héndilla manúic
ókkol óre Allar baabute
yó huwát accíl. Montor
honó kiyé nó fúne.



Nuú ttú dhoóñr iman
accíl. Yár age honó din
zór no dilé yó toóu Nuú
Allar hotá re biccác
goijjíl. Tattú hom
thaim or bútoe kicthi
banáiya óigiyói.



Baade januwar ókkol gólaiye. Alla ye zur-zur háñth
dhoilla januwar edde faik focú ainné. Dhoóñr cóñço
faik, edde dhoóñr cóñço januwar ókkol
kicthit gólaiye.



Óitou fare Nuú ye januwar
ókkol kicthit gólat de deki
yóre manúic ókkole Nuú re
guzori-guzori gáil diíl. Tará
Allar uldha guná gorá bon
nó goré. Ar kicthit
gólai bólla yó nó hoó.



A vibrant, cartoon-style illustration. In the background, a bright blue sky features a large, multi-colored rainbow (yellow, orange, red) and a bright yellow sun partially obscured by a grey, rocky hill on the left. A white, fluffy cloud is also visible. In the foreground, a large, multi-tiered wooden structure, resembling a staircase or a large box, is built on a green grassy slope. The structure is made of horizontal wooden planks. The text is written in a white, sans-serif font on the left side of the image, overlaid on the green grass and the grey hill.

Ahérit,
fottí januwar
ókkol gólaiya
ói baade,
Alla ye Nuú re
hoódde, "Tui edde
tor góorthiya kicthir
bútore ai." Toi zeñtté
Nuú, Nuúr bou, Nuúr fuain
edde tarár bowáin beggún kicthit
góille, Alla ye duar bandí félail.





Baade zór aiccé.
Fura duniyai salic
din salic rait faní
ye bóijja accíl.





Fura cóor-cóor
fara-fara faní ye
bóri giyói. Zeñtté zór támaiye,
murá úddwa faní ye gúijja accíl.
Ar hárr kessú ziín óttu foran
accíl beggún morigiyói.

Faní zetó becí ór héto
kicthi uore báccil.
Kicthir bútoe andár
óitou fare, ar dhoor ó
laitóu fare. Montor
tuán óttu Nuú edde
Nuúr góorthiya basi
faijjé.



Faṅs mác tuan ói baade, Alla ye
uggwá fúana boiyar difeçáiyé.
Asté-asté, kicthi gán Ararát name
uggwá faár ot baijjé. Nuú aró salic
din fán kicthir bútoṛe táikkil, ar
faní lami giyoí.



Nuú ye uggwá hawa ar aruggwá hoitor kicthir kirkiri
bái difeçáiyé. Ziraibár zaga no fai yóre hoitor gwá
Nuúr hañsé fíri aiccé.






Ek háfta baade, Nuú ye
abár kucíc goijjíl. Ebar ot
hoitor gwá híbar muk ot
uggwá zaitul fata lói fíri
aiccé. Ar ek háftat Nuú ye
zobin fúai giyói de yían zaní
faijjé, kiyólla hoilé abár
uggwá difeçáil de hoitor
híba ar waáfes fíri nú aiyé.



Ya kicthit ttú lamibár thaim boli Alla ye Nuú
re hoiyé. Toi Nuú edde Nuúr góorthiya ye
januwar ókkol óre kicthi ttú lamaaíl.



Nuú becí kúci ói,
kurbani-gáñ
banai Allar
ebaadot goijjé,
Zibá ye íba re
edde íbar
góorthiya ré tuán
óttu basaiyé.



Alla ye ar
honó din tuán di
insán-zatir bisár
no goríbou hoói Nuú
lói waada goijjé.

Allar waada re
monot rakí bólla Alla
ye ekkán nicán diyé.
Allar hé waadar
nicán óilde dónu.



Nuú edde Íbar
góorthiya ye tuán baade
noiya cúru faiyé. Nuúr
háandan ókkol lói duniyai
bóri giyói. Duniyair
fottí zati ókkol Nuú
re dí aiccé.



Nuú edde Dhoóñr Tuán

Allar Kalam ottú ekkán kaháni, Baibél,

loot fade

Foidayec Rukú 6-10

"Tuáñr Kalam gólaye foór diye."
Zobur Córif 119:130



Fúraiye



E Pak Kitab or kaháni ye añára re
añárár taijjuppa Allar baabute cíkaibou, zibá ye
añára re banaiyé edde zibá ye saádde, tuñí Íba re sinó.

Alla ye zane añára hóraf ham goijjí, ziín óre Íba ye guná hoó.
Gunár cánza óilde moot, montor Alla ye tuáñre becí muhábbot
goré de hétolla, Íba ye Íbar siríf ek Fuá Isá re difeçáiyé, taáke
kúruc ot foran de, edde tuáñr zoriya cánza fa. Baade Isá zinda
óiyore Íbar ghór ziyán Jonnot híyan ot giyégoi. Zodi tuñí Isár
uore iman aní, tuáñr gunár maf maiggó de óile, tooile Íba ye
tuáñre maf gorí dibou. Íba éhon tuáñr héçe aibóu edde f
úañti tákibou, ar tuñí Íbar fúañti zindigibór tákiba.

Zodi tuñí yían sóiyi de biccác goró, tooile Alla re yían hoó:
Óu adoijja Isá, añí biccác gorí de, Tuñí insán boni duniyait aái
añár guná llá foran diyó, edde Tuñí abár zinda óiyo. Meérbani
gorí añár zindigit aiyó edde añar guná re maf goró, taáke ehón
añí noiya zindigi fai, ar ek din jonnot ot zai Tuáñr fúañti
há mica táki fari. Añáre modot goró, taáke añí tuáñre
mani edde Tuáñr fua boni táki fari. Amin

Fottí din Baibél foró edde Alla loi hotá hoó. Yuhúnna 3:16

